



SULEQATIGIISITSISUT
SAMARBEJDSPARTIET

UKA2020/189

Tillie Martinussen

Siullermeerneqarnera

**Uunga siunnersuut: Tuniniaanissamik nittarsaassisarneq aamma
nalunaaqutsersuisarneq pillugu Inatsisartut Inatsisaata allanngortinneqarnissaa pillugu
Inatsisartut inatsisissaattut siunnersuut**

(Inuusutissarsionermut Aatsitassanullu Naalakkersuisoq)

Inatsimmik naapertuilluarnerusumik atoruminarnerusumillu atuutilersitsinissamik kissaateqarneq uani pineqarpoq, tamannalu nersortariaqarpoq. Peqatigitillugu oqaatigineqarpoq tusarniaanermi akissutit annikitsut tiguneqartut, tassani ilaatigut Nuummi Niuertut Peqatigiiffiat uparuaalluni. Taamaammat niuertut tusaaniarneqarneqarnissaat qulakkeerniarlugu siunnersuutigaarput tusarniaaneq ilanngullugu ataatsimiititaliamit suliarineqassasoq.

Oqaatigineqarpoq inatsit naleqquttoqanngitsillugu Naalakkersuisut kingusinnerusukkut allanngortissinnaagaat.

Inatsisilli aallaqqaataanit sapinngisamik pitsaasuunissaata qulakkeerneqarnissaa pitsaaneruvoq.

Aamma qaqugukkut pillammik akiliisitsisoqartassanersoq erseqqissarneqassasoq kissaatigaarput.

Tamanna suliariuminarsinnaassaaq.

Tamakku saniatigut siunnersuut ataatsimut isigalugu taperserparput, aammalu inatsisiliorniarneq siunertarlu nersualaarpagut.